



REPUBLIKA E SHQIPËRISË
AUTORITETI I MEDIAVE AUDIOVIZIVE

VENDIM

Nr. 40, DATË 07.03.2019

**PËR MIRATIMIN E KRITEREVE PËR NDARJEN E KOMPENSIMIT FINANCIAR
TË OPERATORËVE ME EKSPERIENCË NË TRANSMETIMET NUMERIKE DHE
OPERATORËVE PRIVATË HISTORIKË KOMBËTARE**

Në mbështetje të nenit 19, pika 16 të ligjit nr. 97/2013 “Për mediat audiovizive në Republikën e Shqipërisë”, i ndryshuar dhe nenit 6, pika 4 të ligjit nr. 34/2017 “Për lirimimin e frekuencave të Dixhital-Dividentit” të ndryshuar, Autoriteti i Mediave Audiovizive,

VENDOSI:

1. T’i propozojë Këshillit të Ministrave, ndarjen e kompensimit financiar për kategoritë: operatorë me eksperiencë në transmetimet numerike dhe operatorë privatë historikë kombëtarë, si më poshtë:
 - 1.1 Operatorët me eksperiencë në transmetimet numerike të kompensohen në masën 2,000,000 euro për mbulimin e pjesshëm të investimeve që dalin jashtë funksionit si rezultat i ndryshimeve teknologjike sipas ligjit nr. 97/2013 “Për mediat audiovizive në Republikën e Shqipërisë”, të ndryshuar.
 - 1.2 Operatorët privatë historikë kombëtarë të kompensohen në masën 2,000,000 euro për mbulimin e pjesshëm të investimeve të kryera për ndryshimin e infrastrukturës së transmetimit nga analoge në numerike.
 - 1.3 Vlera e kompensimit për operatorët me eksperiencë në transmetimet numerike do të llogaritet me përqindjen që vlera financiare për përgjegjësitë tatimore e paguar prej secilit operator zë në totalin e vlerës financiare për përgjegjësitë tatimore të paguara nga të gjithë operatorët me eksperiencë në transmetimet numerike.
 - 1.4 Vlera e kompensimit për operatorët privatë historikë kombëtarë do të ndahet në mënyrë të barabartë.
 - 1.5 Operatori me eksperiencë në transmetimet numerike, për të përfituar kompensimin financiar, duhet të depozitojë në AMA.
 - a) Ekstraktin historik për të dhënat e subjektit, lëshuar nga Qendra Kombëtare e Biznesit.
 - b) Relacion vlerësimi të firmosur dhe vulosur nga një ekspert kontabël i autorizuar sipas legjislacionit në fuqi, mbi përgjegjësinë tatimore të paguar pas datës 04 prill 2013 e deri në datën e hyrjes në fuqi të këtij vendimi. Relacioni duhet të përfshijë informacion për masën e paguar nga subjekti për: tatimin mbi vlerën e shtuar, tatimin mbi fitimin, tatimin mbi pagat dhe kontributet për të punësuarit, taksa

kombëtare, tarifat sipas llojit të ushtrimit të aktivitetit, tatimit të mbajtur në burim ku deklarohen (dividenti, tatimi mbi qiradhënie, shërbimet teknike etj), taksat lokale dhe akcizën dhe duhet të depozitohet në AMA, brenda 10 ditësh nga njoftimi i këtij të fundit. Në të kundërt, vlerësimi i masës së përgjegjësive tatimore të paguara prej subjekteve përfitues do të përcaktohet nga AMA, bazuar në të dhënat e pasqyrave financiare vjetore të depozituara në AMA.

c) Vërtetim lëshuar prej organeve tatimore që konfirmon shlyerjen e detyrimeve tatimore dhe kontributeve të sigurimeve shoqërore dhe shëndetësore.

d) Vërtetim lëshuar prej organeve përkatëse që konfirmon shlyerjen e detyrimeve sipas ligjit për taksat kombëtare, për të cilat operatori është subjekt.

1.6 Operatori privat historik kombëtar, për të përfituar kompensimin financiar duhet të depozitojë në AMA:

a) Ekstraktin historik për të dhënat e subjektit, lëshuar nga Qendra Kombëtare e Biznesit.

b) Dokumentacionin financiar për investimet e kryera për ndryshimin e infrastrukturës së transmetimit nga analoge në numerike (përshtatjen e pajisjeve ekzistuese, instalimin e pajisjeve të reja të sistemit të transmetimit) etj, si fatura tatimore blerje, fatura zhdoganimit, kontrata shërbimi.

c) Vërtetim lëshuar prej organeve tatimore që konfirmon shlyerjen e detyrimeve tatimore dhe kontributeve të sigurimeve shoqërore dhe shëndetësore.

d) Vërtetim lëshuar prej organeve përkatëse që konfirmon shlyerjen e detyrimeve sipas ligjit për taksat kombëtare, për të cilat operatori është subjekt.

1.7. Autoriteti i Mediave Audiovizive shqyrton dokumentacionin e subjekteve dhe kryen veprimet e mëposhtme:

a) Verifikon nëse subjektet kanë detyrime financiare të pashlyera ndaj saj.

b) Verifikon nëse subjektet kanë detyrime financiare për sanksione gjobë të shndërruara në titull ekzekutiv.

c) Verifikon nëse subjektet përdorin frekuenca pa autorizimin/licencimin e Autoritetit të Mediave Audiovizive.

1.8. AMA kryen pagesën për operatorët me eksperiencë në transmetimet numerike dhe operatorët historikë kombëtare pas plotësimit të kërkesave sipas këtij vendimi.

2. Ngarkohet administrata e AMA-s për zbatimin e këtij vendimi.

Ky vendim hyn në fuqi menjëherë.

Kryetar:	Gentian	SALA
Zëvendëskryetar:	Sami	NEZAJ
Anëtarë:	Agron	GJEKMARKAJ (Në mungesë)
	Gledis	GJIPALI
	Pirro	MISHA
	Suela	MUSTA
	Zylyftar	BREGU